



UNIVERSITÄTS-
BIBLIOTHEK
PADERBORN

D. Virginis Oetinganæ Historia

Irsing, Jakob

Monachii, 1643

C. X. Præpositi Oetingensis Ecclesiæ.

[urn:nbn:de:hbz:466:1-64940](#)

LIBER I. 55
compluribus confirmatas, littera-
rum testimo*niis* constat.

CAPUT X.

Præpositi Oetingensis Ecclesiae.

Primus Oetingensi Ecclesiæ præ-
fectus est **FRIDERICVS STRI-**
PHIVS A.C. MCCXXXI.

*Hundius
Gevvold.
Eisengr.
M M. SS.
Oeting.*

II FRIDERICVS à STAVE.
FEN A.C. MCCXLV.

III. SWIKERIVS A.C. MCC
LXIII. Quo Ecclesiam nostram gu-
bernante decreuit Vdalricus Salis-
burgensis Archiepiscopus, ut annua
dedicati sacri Sacelli memoria Dei-
paræ Natali repetatur.

IV. HENRICVS de PIBVRG,
Legum Doctor, & Historicus: cuius
meminit Auent. l. 7. ad annum M
CC LXXVI. Hundius p. 2. ad annum
M CC LXXV. M. S. Oetinganus,
Vidimus appellatus ad LXXII. III.
iv. Vnde Gevvoldum errare vide-
as, qui initia Henrici ad M CC XCVI

E 2

refert,

refert, Eisengreinum secutus, qui ab anno dicto ad nonagesimum nonum Henrici præfecturam profert.

V. WERNARDVS. Cuius memoria ab anno sæculi vertentis octogesimo secundo ad nonagesimum nonum repetitur in M.S. *Vidimus.* Ad hæc ipsa tempore fertur apud Gevoldum ex Conrado Archiepiscopo Salisburgensi LEO NARDVS. Qui proinde non aliud WERNARDO fuisse videtur.

VI. Wernardo subiungit Eiseng Hartliebum de Puehberg: quem præfuisse à M CCC XXVI. ad XXXI dicit. Ex quo consequens est, inter regnum viginti septem annorum inter hunc, & præcedentem, qui Eisen grenio decepsit nonagesimo nono sæculi superioris anno, intercessisse Quod cum non defit, qui interpolatur, verisimile non est. Itaq; sufficendus Wernardo R. D. M. GEORGVS: qui sexdecim annis, teste M.S.

Videt

Vidimus præfuit. Hunc cum Eiseng.
præteriit Gevvoldus.

VII. HARTLIEBVS à PVECH-
BERG , Canonicus Ratisbonensis:
quem ab A. C. M CCC XXVI, ad
XXXVI. memorant antiqua monu-
menta. Decreuit hic, neminem, ni-
si sacerdotio initiatum, Collegio Ca-
nonicorum adsciscendum.

VIII. M. ANDREAS: quem
ab anno M CCC XLIV. vsque ad
LVII. commemorant Annales.

IX. LVDOVICVS GRANS,
A. C. M CCC LXI.

X. HENRICVS, Bauariæ Du-
cum Protonotarius, optimè de Ec-
clesiâ Oetinganâ meritus. Decessit
anno M CCC LXXXVI.

XI. EGENOLPHVS WAR-
THER, Canonicus Frisingensis: cu-
ius in Annal. ab anno M CCC LXXV.
vsque ad LXXXIIII. mentio.

XII. JOANNES PREISINGER.
Vixit A. C. CD XXIIII ad eiusdem.

E 3 sacu-

38. OETINGANAÆ HISTORIE

fæculi xxxix. Init indubie multò
ante magistratum, nisi quadraginta
annorum interregnum admittere;
aut alium memoriæ subductum ma-
limus interponere.

XIII. ERHARDVS HAWER
A.C. M CD XLVI. ad huius fæcu-
quinquagesimum.

XIV. MICHAEL RIEDERER
Doctor, Præpositus Ecclesiæ Cath-
edralis Ratisbonensis, Canonicus En-
singensis, Ludouici Bauariæ Duc-
Cancellarius. Præfuit ab anno
CD LIII. ad septuagesimum primi
Impetrauit à Ludouico confirmationem
Priuilegiorum Oetinganae
Ecclesiæ. Præterea Burgkirchen
immunitatem à iurisdictione Praefi-
ctorum, ministeriorumque aliorum
rationes Principum procurantium

XV. FRIDERICVS MAVRKII
CHER, Legum D. posteà Passau
ensi mitrâ insignis. Nam cùm an-
M CD LXXIX. sublato è viuis Vd-
rico

rico Nusdorffio Episcopo, Fridericus
Imp. Georgium Heslerum, S. R. E.
Cardinalem sufficere contenderet;
Georgius autem inferioris Bauariæ
Dux Fridericum Maurkirchensem,,
aulæ suæ Cancellarium subrogare
niteretur: res ad vim & arma perue-
nit. Cæsari fauebant ciues Passau-
enses, Duci Canonicorum præcipui,
qui metu factionis aduersariæ Schär-
dingam demigrârunt. Receptus vrbe
Cardinalis, cùm nusquam tutus cō-
fisteret, Boiis ex arce occupatâ tor-
mentis urbem infestantibus; Austri-
am repetiit, finémque viuendi fecit.
Fridericus Episcopatu sine æmulo
potitus est.

XVI. JOANNES MAYR. Rexit
Oetingam Ecclesiam ab anno M CD
LXXXVIII. ad M. D. VIII. Jecit pri-
mum in fundamenta lapidem Eccle-
siæ Apostolorum Philippi & Iacobi,
die, qui Petri vinculis dicatus est,
A. C. M. CD XCIX. quo in hanc,

E 4 quam

60 OETINGANA E HISTORIA

quam hodie cernimus. assurgere spe-
ciem cœpit. Impetrauit ab Inno-
centio VIII. Pontif. potestatem ad
ritum Passauensem statas Ecclesia
preces peragendi , probatas ob cau-
fas.

XVII. JOANNES NEVHAV-
SER , Doctor. Accessit ad gubernan-
dum anno M D VIII. Donauit
Collegio Canonicorum mille du-
centos aureos. Viuere desit anno
sæculi huius decimo sexto. Fuit Can-
cellarius Ludouici Landishutani.
Fit etiam eius mentio in syllabo De-
canorum Ratisbonensium apud Go-
vold. & Hund.

*Brusch. de.
Epis. op.
German.*

XVIII. PAVLVS ZIEGLER
quem Maximilianus I. Imp. Curien-
sibus Episcopum præfecit. Sed po-
pularium seditione loco pulsus Oe-
tinganam Ecclesiam suscepit regen-
dam , anno M D XVI. qui vnà cum
Collegio sanctiones laudatissima
confecit.

XIX.

XIX. CHRISTOPHORVS ADAMVS à NVSDORF, Canonicus Salisburgensis. Præfuit ab anno M D XLI. ad annum sæculi huius LII.

XX. JOANNES AWER de PV-LACH in Odelzhausen, Canonicus Salisburgensis, & Passauensis. Obtinuit Præposituram ab anno M D LI. ad LXI.

XXI. WOLFGANGVS GRIESSTETTER in Haslach, Præpositus Berchtesgadensis: qui Avvero suffensus est ad M D LXVII. vitam cum magistratu protulit. Tumulum Berchtesgadii accepit.

XXII. MARTINVS EISEN-GREIN. Hunc sufficiunt Wolfgango Hundius & Gevoldus. Eisen-greinius ipse in Wolfgango Catalogum Præpositorum finit. Si Andre-as Fabritius, quem quidam inter-serit, proximè Eisengreinium præcessisset, eum Eisengreinius haud o-

E s mifif-

62 OETINGANÆ HISTORIÆ

misisset: qui 10. c. hist. Oeting. su-
finem dicit: Deus illi (Wolfgango)
omnibusque meis decessoribus vita
functis, æternā quietem & beatitudi-

*Annal. A-
cad. Ingolst.*

nem propitius impertiat. Erat
Martinus Eisengrein Studgardianus
à Lutheri erroribus ad orthodoxam
veritatem traductus. Supremâ Phi-
losophiæ laureâ insignis docuit ora-
toriam Viennæ, & Pro cancellarii A-
cademici obiit munus. Ibidem tem-
pli principis Canonicus, & Ecclesia-
stes fuit. Ingolstadii cum Procan-
cellarii prouinciâ Doctoris Theolo-
gi partes gessit. Fuit & Protonota-
rius Apostolicus, & Boicus ad Rom.
Pontif. Orator, & Comes Aulæ La-
teranensis, Cæsareæque. Alber-
præterea V. Bauariæ Ducis, Con-
liarius: *Maximiliani II. Imp. Ec-
clesiastes*: Præpositus Passauiensis
Mitratus præsul primus Ecclesiæ O-
tinganæ. Ius mitræ, annuli, pedi-
aliorumque ornamentorum Ponti-
ficiae

ficialium concessit Eisengreinio, & successoribus Pius V. Papa, dipломate A. C. M D LXXI. dato, Nonis April. Quod, quoniam eximiam cum Oetingæ nostræ, tūm Eisengreinii commendationem; adhæc ius potestatēmque rari decoris complectitur; hoc loco duxi proferendum.

PIVS PAPA V.

Dilecto filio MARTINO EISENGREINIO, Præposito Ecclesiæ S. S. Philippi & Iacobi, oppidi veteris Oeting &c.

Dilecte fili, salutem & Apostoli-
cam benedictionem.

Deuotionis tuæ spectata since-
ritas, quam ad nos, & Ro-
manā gerere comprobaris Ec-
clesiam, nec non eximiā tuæ doctri-
næ & virtutis merita, simūlque
indefessi labores, curæ, vigiliæ, stu-
dia,

dia, quibus non modo in tuendâ
conseruandâ, sed etiam in restitu-
enda & amplianda, in istâ nobilis-
simâ Germaniae Provinciâ, fide Ca-
tholicâ, te semper præstítisse atq[ue]
claruisse re ipsâ cognouimus, su-
quasi iure exigere videntur; ut
& Ecclesiam SS. Philippi & Iacobi,
oppidi veteris Oeting, in quâ Præpo-
fitus existis, quæq[ue] inter alias Bau-
riæ Ducis dominio & ditioni subie-
ctas, & vetustate insignis, & asidu-
gloriosissimæ Virginis Mariæ mira-
culis illustratur, ac populorum, q[ui]
præ ingenti, quem ad Reginam ca-
lorum, quæ sideribus prælata æthe-
reis tanquam stellam matutinam præru-
tilat, gerunt, deuotionis affectu
vndique confluunt; maxime in il-

lis partibus valde celebris est : ac
personam tuam, quæ in dies, ut præ-
fertur, de eâdem Catholica Religio-
ne, partim populos prædicatione di-
uini verbi in officio continendo,
partim in pessimos errores lapsos, ad
salutem reuocando, eosdémque ex-
emplo boni operis informando, assi-
diè bene mereri non desinit : actui
intuitu tuos in ipsa præpositurâ suc-
cessores congruis Insignis decoremus,
& condignis ornemus honoribus :
Hinc est, quod nos, qui accepimus,
prædictam Ecclesiam antiquitus
Præpositi dignitate ornatam, ac eum
dem Præpositum inter cæteros sæ-
cularium & Collegiatarum Eccle-
siarum Præpositos, quæ Metropoliti-
co iure Archiepiscopo Salisburgensi
subesse

subesse dignoscuntur, ratione Præ-
situræ dictæ Ecclesiæ primum locum
obtinere: eandemque Ecclesiam in-
signibus auri, gemmarum & orna-
mentorum, ac sacerdotalium uesti-
um muneribus, à clarissimis viris
præsertim nuper, ut etiam accepi-
mus, à dilecto filio, Nobili viro, Al-
berto, Bauariæ Duce donatam, mi-
rum in modum auctam esse: eius
dem Ecclesiæ igitur amplitudine a
celebritatis famâ, & tuarum, pra-
sertim orthodoxæ Religionis zelo, a
egregiarum virtutum odore com-
moti, cum ad tuæ Ecclesiæ dignitas
splendorem, & tui ac Præpositi
tempore in eadem existentis, Mitri
Anuli, Baculi Pastoralis, aliorum
Pontificalium insignium vsum m-

gnope.

gnopere te desiderare intelligamus:
Motu proprio atque ex certâ scien-
tiâ, maturâque deliberatione nostrâ,
ac de Apostolicæ potestatis plenitudi-
ne; Tibi & tuis in Præpositurâ di-
ctæ Ecclesiæ pro tempore futuris suc-
cessoribus, Mitra, Annulo, Baculo
Pastorali, ac aliis Pontificiis Insigniis
uti tenore præsentium de speciali dono
gratiæ indulgemus, &c. Porrò Ei-
sengreinius scripsit linguâ patriâ Oe-
tinganam historiam, eamque Tetrar-
chiæ Burghusianæ vrbibus dedica-
uit. Supremum diem expleuit In-
golstadii 111. Nonas Maias A. C.
MD LXXVIII.

XXIII. GEORGIVS à KIEN-
BVRG. Successit eodem, quo Ei-
sengreinius decessit, anno.

XXIV. ANDREAS FABRICI-
VS, Theologiæ D. successit anno

MD

Litt. pra-
sent.

Annal. Ing-
olst.
Hundius.

M D LXXX. quo Georgius à Kienburg
Salisburgensi Archiepiscopo Coad-
iutor datus Oetinganâ se Præpositu-
râ abdicauit.

X X V. S BINCO de BERCKA
Baro de Duba: Postea Archiepisco-
pus Pragensis, Administrator Epis-
copatus Ratisbonensis, ac Præposi-
tus. Successit Fabricio circa annum
M D LXXXII.

X X VI. MINVTIVS de MINV-
THS, Archiepiscopus Jaderensis, Io-
noccenii X. & Clementis IX. pp.
Secretarius, Wilhelmi Bauariae Duc-
Consiliarius. Successit anno M
XC III. quo decessor Pragensem mi-
tram est adeptus. Mortalitate in-
pleuit A. C. M DC IV. Conditus ei-
sepulchro in æde D. Michaelis Arch-
angeli, sacello S. Andreæ Monach.

X X VII. FRANCISCVS WIL-
HELMVS, Comes de Wartenberg,
Dominus in Wald, &c. Suffecit
anno M DC VI. quo vitâ cessit M
nutini

nutius. Hodie Osnabrugensi, Mindensi, Verdensi Episcopatibus insignis, & S. R. I. Princeps.

CAPUT XI.

*De nouâ SS. Apostolorum Philippi
& Iacobi Basilicâ, déq Mariano
Sacello adiunctis.*

OEtingensium famâ miraculorum ab A. C. M^{DC}LXXXIX. ad notitiam publicam primùm efflorescentium, longè latèque dimanante; paucis annis usque è populorum accurrentium increuit numerus, ut pars magna templorum angustiis excluderetur. Quam ob rem iuuando religionis studio visum est nouam, eamque amplam condere Bafilicam, veteri, quam Ludouicus I. Boiorum Dux circa A. C. m^cc XXX. cum Canonicorum Collegio extruxerat, deiectâ. Cœptum est igitur ædificari, quod hodie cernitur,

F præ-